

ЯНГИ ЎЗБЕКИСТОН ЕТАКЧИСИ

Газетанинг 2-3-саҳифаларида эълон қилинаётган ушбу сарлавҳали мақолада давлатимиз раҳбарининг 2016 йилдан то бугунгача бўлган даврда минтақа мамлакатлари ўртасидаги муносабатларни мустаҳкамлаш йўлидаги жасоратли хизматлари ҳамда минтақани глобал транспорт логистика тармоғига интеграция қилиш борасидаги прагматик сиёсати хусусида ҳикоя қилинади.

КУН НАФАСИ

- Президентнинг «Фаол ишбилармонлик муҳитини шакллантиришни янада рағбатлантириш, солиқ мажбуриятини бажаришда аҳоли томонидан ортиқча харажатларга йўл қўймаслик ҳамда қўшимча иш ўринларини яратишга доир чора-тадбирлар тўғрисида»ги қарори қабул қилинди.
- Халқаро Меҳнат ташкилоти (ХМТ) томонидан Женевада ўтказилган Халқаро меҳнат конференциясининг 111-сессияси доирасида Сенат раиси Танзила Норбоева АҚШ меҳнат вазирининг ташқи ишлар бўйича ўринбосари Теа Ли ҳамда АҚШнинг халқаро меҳнат масалалари бўйича махсус вакили Келли Фэй Родригес билан музокаралар ўтказди.
- Тошкентда Шанхай ҳамкорлик ташкилоти Минтақавий аксилтеррор тузилмаси Ижроия қўмитаси фаолият бошлаганининг 19 йиллигига бағишланган анжуман бўлиб ўтди.
- Санкт-Петербург халқаро иктисодий форумида Россия газини Ўзбекистонга етказиб бериш бўйича шартнома ва республика газ узатиш тизимини Россия газини қабул қилишга тайёрлаш бўйича «Йул харитаси» имзоланди. Россия газини Ўзбекистонга Қозоғистон ҳудуди орқали экспорт қилиш 2023 йилнинг тўртинчи чорагидан бошланади, дейилади Энергетика вазирлиги матбуот хизмати хабарига.
- Соғлиқни сақлаш вазирлиги томонидан «Ўзбекистон темир йўллари» акциядорлик жамияти ва «Соғлом авлод учун» халқаро хайрия фонди ҳамкорлигида ташкил этилган «Саломатлик поезди» Оролбўйида бўлди.
- Атоқли адиб Мусо Тошмуҳаммад ўғли Ойбекнинг «Қутлуг қон» романи Анқарадаги Евросиё Езувчилар уюшмаси (Avrasya Yazarlar Birliği)га қарашли «Bengü» нашриётида чоп этилди.

Навоий вилояти

Худум

Ходима касб касалигига чалинган эди, аммо...



Яқинда Кармана туманида яшовчи Олия Пўлатова Ўзбекистон касба уюшмалари Федерацияси Навоий вилояти кенгашига мурожаат қилди.

Унинг таъкидлашича, «Кармана ипак курти уруғи» масъулияти чекланган жамиятида узоқ йиллар ишлаш жараёнида касб касаллигига чалинган, 1993 йилда шифокорлар умрбод иккинчи гуруҳ ногиронлиги ҳужжатини тақдим этишган ва доимий мажбурий зарар тўловини белгилашган.

Аммо иш берувчи ҳеч қандай сабабсиз зарар тўловини тўхтаб қўй-

ган. Натижада Олия Пўлатова 2022 йилнинг май ойидан 2023 йилнинг худди шу вақтига қадар бир сўм ҳам олмаган.

Мутахассислар томонидан мурожаат ўрганилди. Унга кўра, иш берувчи меҳнат қонунчилигига зид ҳаракатларни амалга оширгани исботланди.

Шундай қилиб, Олия Пўлатованинг ҳуқуқи тикланиб, унга сабабсиз тўланмаган 8 миллион 100 минг сўм миқдоридagi зарар тўлови ундириб берилди.

Махбуба ҚАМБАРОВА,
Ўзбекистон касба уюшмалари
Федерацияси Навоий вилояти кенгаши
меҳнат техник инспектори

Келгуси сонларда ўқинг...



Бахт бойликда эмас



Жавобини кутаётган саволлар



ЭНДИ МАШИНАЛАР НАРХИ ҚАНДАЙ БЎЛАДИ?

Президентнинг «Аҳолининг енгил автотранспорт воситаларига бўлган эҳтиёжини қондириш бўйича қўшимча чора-тадбирлар тўғрисида»ги қарори қабул қилинди.

Маъмур қарор асосида двигатель ҳажми 1200 см. кубгача бўлган автомобиллар учун божхона ставкалари кескин камайтирилгани, 1000 см. кубгача бўлганларига эса 0 фоизга туширилгани нархларга қандай таъсир қилади? Келинг, бунини аниқ мисоллар билан кўриб чиқамиз.

1000 см. куб ҳажмли автомобиль учун

Ушбу тоифага кирувчи бозор нархи 10 минг АҚШ доллари бўлган автомобилни мисол сифатида оламиз. Бунда қуйидаги мажбурий тўловлар мавжуд:

1. Божхона божи

Аввал: **1 900 АҚШ доллари** (15 фоиз + 0,4 АҚШ долл/куб см).
Ҳозир: **0 АҚШ доллари** (0 фоизга туширилди).
Фарқ: **1 900 АҚШ доллар.**

2. ҚҚС (12%)

Аввал: **1 428 доллар** (божхона божи қўшилган ҳисобланган)
Ҳозир: **1 200 доллар.**
Фарқ: **228 доллар.**

3. Утилизация йиғими (базавий ставканинг 30 баравари)

Тахминан **846 доллар** (9 млн. 900 минг сўм)

4. Божхона йиғими (0,2%)

Тахминан **20 доллар**

ЯКУНИЙ НАРХ:

Аввал: **14 минг 194 доллар.**
Ҳозир: **12 минг 066 доллар.**
Фарқ: **2 минг 128 доллар.**

Демак, двигатель ҳажми 1000 см. кубгача, нархи 10 минг АҚШ доллари бўлган автомобиль учун тўланадиган мажбурий тўловлар тахминан 2 минг 128 АҚШ долларига арзонлайди (ушбу ҳисоб-китобларда логистика нархи ҳисобга олинмаган).

17 ИЮНЬ –
Бутунжаҳон чўлланиш ва қургўқчиликка қарши кураш куни

Она
Замин нола
Чекмасин!



«Аёллар дафтарлари»ни барақлаганда...

Ёзининг иссиқ кунни. Ҳовлидаги дарахт соясида ўтирдим. Қизим Нилуфар дилбандлари Баҳорой ва Ҳосила билан келиб қолди. Учининг ҳам кайфияти яхши. — Набиранинг Баҳорой 10-синфини, Ҳосила саккизинчини аёло баҳорларга тамомлади. Ҳозир иккаласи репетитордан қўшимча сабоқ олишяпти, шифокор бўлишмоқчи, — деди Нилуфар кўтаринки кайфиятда. Хушxabардан суюндим. Баҳор ва Ҳосиланинг мўлолага меҳр қўйишгани билардим. Яна эсли-хушли бўлиб, ота-онанинг юмушларига қўмаклашиши дилимни шод этарди. Уларнинг энг савобли касбини танлашаётганини эшитиб, бир қувончим ўн қувонч бўлди. Дилбандларимнинг гулгун чеҳрасига боқиб, ўзимнинг ҳам болалик, ёшлик йилларим ёдимга тўшди.



ДИЛБАНДИМ, ГЎЗАЛ ЗАМОНГА БОҚ...

...Ўтган асрнинг 70-йиллари. Биз ўқийдиган мактаб саккиз йиллик бўлиб, ўғил болалар 9-10 синфда тахсил олиш учун туман марказига қатнардик. Қизлар эса ўқишни шу жойда тўхатишга мажбур эди. Бирор бир касбни эгаллаш ҳақида айтмасам ҳам бўлади. Турмушга чиқиб, бир этак бола кўриш, иш кўплигидан уларга меҳр ҳам беролмай, пахта даласида эрта тонгдан қоронғу тушгунча меҳнат қилиш — ўша замон хотин-қизларининг пешонасидаги битик эди. Мен ўқишга жуда қизиқардим. Аммо иложсизликдан изтиробга тушардим. Шу изтироб қўлимга қалам олишга ундади. Ўзбекистон ССР Олий Совети депутатларига мактуб ёздим: «Биз колхозчиликдан бошқа касбни танлаётганимиз. Ёрдам беринг! Мактабимизнинг 10 йиллик бў-

лишини истаймиз. Биз ҳам яхши ўқишларда ўқийлик. Бизни колхозчиликдан кутқаринг...». Хатга ўзимдан ташқари яна уч-тўрт дугонам имзо қўйдим. Хатжилдга манзилни ёздим-да, жўнатиб юбордим. Орадан вақт ўтди. Бир кунни қоқ тушда бизнига бир гуруҳ одам келди. — Қизим, сени сўраб келишибди, — деди отам. — Нима иш қилганинг? Хат ёзганим ёдимдан кўтарилганда, «Ҳеч нарса қилганим йўқ», дедим. Чиқсам, колхоз раисининг хизмат машинаси олдида 5-6 киши турибди. Мактабимиз директори, хўжалик раиси, вилоят хотин-қизлар кўмитаси раиси (у ўзини шундай таништирди), туман масъуллари келган экан. — Қизим, бу ёққа кел-чи, — деди вилоятдан келган хотин-қизлар кўмитаси раиси. — Тошкентга хат ёзганимнинг?

Қашқадарё вилояти
— Ҳа, ёзганим.
— Нима деб ёзганинг?
— Мактабимиз таълимини 10 йиллик қилишга ёрдам сўраганим.
Мени туман марказига олиб кетишди. Туман раҳбари ҳам хат ҳақида сўради. Ҳаммасини айтиб бердим. Раҳбар мактаб директори «Буларни Қаршига олиб бориб, ўқишга жойлаштириб келасан. Ҳамма шароитларини тўғрилаб берасан», деди.
Хуллас, мен ва икки дугонам Қарши педагогика билим юртига бордик. Мактабимиз директори бир ҳафта шу ерда бўлиб, бизни билим юртига жойлаштирди.
Ўқимизга қарши бўлгани учун то январь ойигача отамдан қўриқиб, уйга боролмадик. Қишлоққа келгач, уйга боришга чўчидим. Дугонаникига бордим. Дугонанинг бувииси мени

етақлаб, уйимизга олиб борди.
Уйга кирдик. Отам кириб келди. Салом бердим, аммо олдида боролмадик. Падарим бир қаради-да, ташқарига чиқиб кетди. Онам, энам, дугонанинг бувииси — ҳамма отамнинг уйга қайтиб киришини кўтиб ўтиришарди.
Бироздан сўнг отам келди ва биринчи айтган гапи шу бўлди:
— Қорни очдир, гўшт-пўшт қовуриб беринглар.
Ана шунда ота-онанинг фарзандга меҳри нақадар чекислигини ҳис этдим. Қиблагўшим менга «Қизим, ўқиётганинг яхши. Фақат юзимни ерга қаратма» деди.
Таътилни уйда ўтказдим. Таътил тугагач, отам қўлимга пул бериб, ўзи Қаршининг автобусига чиқариб юборди. Оқ фотиҳа берди.

Таққос
Мен билан бирга борган икки дугонам ўқишни давом эттиришолмади. Таътилда турмушга чиқишганди, эрлари рухсат беришмади.
Уч йил ўқидим. «Тарбиячи — ўқиувчи» мутахассислигини эгаллаб, қишлоққа қайтдим. Келганимдан сўнг хўжаликда «Гуллола» болалар боғчаси очилди. Шунга мудира этиб тайинлашди. Янги муассасада ишни йўлга қўйдим. Билим юртини тугата олманган дугоналаримни ҳам тарбиячи қилиб ишга олдим.
Бу орада турмушга чиқдим. Бирин-кетин фарзандларим туғилди, беш ўғил, икки қиз. Болаларимни улғайтиришда қайнонам раҳматли катта ёрдам берган.
Ўн йилдан охиқ боғчада ишладим. Кейин икки йил «бригадир»лик қилдим. Сўнг хўжалик раисига муовин бўлдим. 1985 йилдан 2002 йилгача «Дам» фуқаролар йиғинига раислик қилдим. 2002 йилдан 2017 йилгача «Паканди» маҳалла фуқаролар йиғинида хотин-қизлар фаоли бўлиб фаолият юритдим.
Ўша даврда эрталабдан кечгача қишлоқма-қишлоқ, хонадонма-хонадон юриб, аҳоли билан мулоқотда бўлардик. Жанжалли оилаларни яраштириб, кўп ажримларнинг олдини олганмиз. Халигача ўша оилалар вакиллари билан кўришиб қолсам, миннатдорлик издор қилишади.
Қизларим Гулжаҳон ва Нилуфар педагогика соҳасида ўқишди. Улар бахтли оилаларнинг бекалари. Ўғилларимнинг барчаси бугун жамиятда ўз ўрнини топган.
Бугун мамлакатимизда таълимга катта эътибор қаратиляпти. Хотин-қизларга олиб ўқув юрларида ўқиш, касб-хунар эгаллаш учун қатор имтиёзлар жорий этиляпти. Кўпни кўрган онахон сифатида хотин-қизларни илмли, хунарли қилиш йўлидаги бу ҳаётбахш ҳаракатлардан мудом қувонаман, шукроналар айтаман.

Муқаддам ҚУРБОНОВА
Чироқчи тумани
Паканди қишлоғи

Самарқанд вилояти
Бекорчи эдим. «Қўл калта»лиги туфайли бирор ишининг этагини тутолмадим. Оиладаги етишмовчиликлардан эзилган кунларим кўп бўлди.
Ишчи гуруҳ хонадонимизда бўлганида кўнглимда чироқ ёнди. Улар мени «Аёл-

ИНТИЛГАНГА ТОЛЕ ЁР
лар дафтары»га киритишиб, 30 миллион сўм миқдорда кредит олишимга қўмаклашди. Нон маҳсулотлари ва турли пишириқлар тайёрлашга ихтисослашган цех фаолиятини йўлга қўйдим.
Дастлаб икки нафар ишсиз аёлни кўмакка чорладим. Ҳаракатларимиз зое кетмади, ўз миқдорларимизга эга бўлдик. Айна пайтда

ҳамқишлоқ тўрт нафар аёлни иш билан банд қилганман. Уларга тегишли тарзда маош белгиланган. Ишлаб чиқаришдан орттирган даромадимизни қўшимча асбоб-ускуналар харид қилишга йўналтиряпмиз. Муддао ишлаб чиқаришни янада кўпайтиришга қаратилган.
Хурматли «Ishonch» газетаси жамоаси.

Дил сўзи
Бошимдан ўтганини ёзиб юборяпман. Газетада чоп этсангизлар, интиланга толе ёрдеганларидек, бу тадбиркорлик қиламан деб, лекин иккилашиб турган қайси бир аёлга туртки вазифасини ўтаса, нур устига нур бўлар эди...
Мадина БОҚИЕВА
Пайариқ тумани
«Бешқўрғон» маҳалласи



Наргиза Ҳасанова ҳарна рўзгорга даромад бўлсин деб таниш сартарошга шогирд тўшди. Сўнг ижарага жой олди. Лекин шароит жудаям кўнғилдагидек эмас, боз устига малакаси ҳам етарли даражада эмасди. Дастмоя бўлмасам ҳам қийин экан. Боши қотиб турган бир пайтда маҳалла хотин-қизлар фаоли Холисон Биболоева уни йўқлади. Шундан кейин ҳаммаси изига тушиб кетди.

НАРГИЗАНИНГ ИШХОНАСИ

Наргиза «Аёллар дафтары»га киритилди. Мономарказда уч ой стипендия олиб ўқиб, хунар эгаси бўлди. Энди унга муносиб иш жойи керак эди. Касаба уюшмалари Федерацияси енгил конструкцияли «Аёллар гўзаллик салони»ни қуриб, тўла жиҳозлаб, унинг ихтиёрига берганида кўзларига ишон-

мади. Гулистон туманидаги «Олтин водий» маҳалласида жойлашган бу салон бугунги кунда анчайин гавжум. Бу ерни кўпчилик «Наргизанинг ишхонаси» дейдиган бўлган.
Наргизанинг ёнига маҳалла йўлланмаси билан ўқитилиб, касбий кўникмалар олиб келган ёшлардан Болбувиш

Бойжигитова, Нозима Бекболаева ҳам ишга жойлаштирилди. Энди улар аёлларга малакали хизмат кўрсатишмоқда.
— Яратиб берилган шароит ва ғамхўрликдан беҳад миннатдорман, — дейди Наргиза Ҳасанова. — Уйим иш жойимга яқин. Уй ишларимни бажаришга, фарзандим билан шуғуллан-

Мамнуният
нишга вақтим бор. Авваллари қишлоғимизда хизмат кўрсатишнинг бу тури йўқ эди. Ҳамқишлоқларимиз ҳам хурсанд.
Ҳа, аёл ўзи яхши кўрган касб-хунари билан шуғулланса, ҳалол меҳнати билан ризқ топса, уйда рўшнолик, барака, кўнғилда хотиржамлик бўлади. «Аёллар дафтары» минглаб Наргизаларга ана шу ҳаловатни берапти.
Алижон МАМАРАСУЛОВ, Касаба уюшмалари Федерациясидан «Аёллар дафтары» бўйича туманга бириктирилган вакил

Коинотга тижорий парвозлар



Британиялик миллиардер Ричард Брэнсоннинг Virgin Galactic Америка аэрокосмик компанияси июнь ойи охирида тижорий космик парвозни амалга оширишни режалаштирмоқда.
Компания баёнотида таъкидланишича, биринчи парвоз микрогравитация билан боғлиқ илмий тадқиқотларга йўналтирилади. Дебют миссия доирасида Италия ҳарбий-ҳаво кучлари ва мамлакат миллий тадқиқот кенгашининг уч нафар вакили коинотга учади. Август ойи бошида хусусий астронавтлар коинотга парвоз қилишади. Кейинги рейслар ҳар ой амалга оширилади.

Базавий фоиз ставкалари ошди

Европа Марказий банки (ЕМБ) юқори инфляцияга қарши курашда базавий фоиз ставкаларини яна 0,25 фоизга оширди.
dw.comнинг хабар беришича, тижорат банклари ЕМБдан қарз олиши мумкин бўлган асосий ставка 4 фоизга, депозитлар бўйича базавий ставка эса 3,5 фоизгача кўтарилган.



Оламда

Набутарни ўлдирганликда гумонланмоқда

Гонконг полицияси 58 ёшли аёлни ҳибсга олди. У набутарни ўлдирганликда гумонланган, дея хабар берди «South China Morning Post» нашри.
Йўловчилардан бири жувон набутарни ерга ирқитгани ҳақида хабар бергач, полициячилар куш жасадини турар-жой мажмуаси яқинидан топган. Дастлабки суриштирувдан кейин жониворга шафқатсизлик қилгани учун гумонланувчи қамоққа олинган. Мазкур орол қонунчилигига кўра, жониворга бе-шафқат муносабат учун энг кескин жазо сифатида 200 минг доллар жарима ёки уч йил озодликдан маҳрум этиш белгиланган.





Фаргона вилояти

Фурқат туманида яшовчи Гўзалхон Қўзиева хонадонма-хонадон ўрганишлар давомида кўмакка мухтожлиги сабаб «Аёллар дафтари»га киритилган эди. Ишчи гуруҳ билан сўхбатда Гўзалхон опа турли ширинликлар тайёрлаш қўлидан келишини, агар озгина сармоя бўлса, тадбиркорлик фаолиятини йўлга қўйишини айтди. Ишчи гуруҳнинг кўмаги билан унга банк томонидан 19 миллион сўм кредит ажратиб берилди.

– Кўнглимга тугиб юрган истагим ҳеч қанча вақт ўтмай ижобат топди. Банкдан олинган маблағ эвазига керакли жиҳозларни сотиб олиб, қандолатчилик фаолияти

ОРЗУЛАР РЎЎБИГА ЙЎЛ

тини йўлга қўйдим, – дейди Гўзалхон Қўзиева. – Ишни дастлаб 5 турдаги маҳсулот ишлаб чиқаришдан бошладим. Маҳсулот сифатли бўлса, хариддорларнинг ўзи оқиб келаверар экан. Кундан-кунга буюртмачилар сони ошиб бораверди. Шунда ишчи кучига эҳтиёж сездим. Маҳалламизда хунар ўрганиш истагида бўлган аёлларни шогирдликка олдим. Ҳозир 30 хилдан ортиқ пишириқ тайёрлаб, буюртмачиларга етказиб бераймиз. Аини пайтда цехимизда 10 нафар хотин-қиз доимий иш билан таъминланган.

Ишчи гуруҳ туфайли Солиҳа Холиқованинг ҳам хонадонига фойз кирди. Ёлғиз ўзи икки фарзандни воға етказётган аёлнинг ҳасратларига қулоқ тутилди. Ўрганишлардан сўнг у ҳам «Аёллар дафтари»дан жой олди.

Фаолият

Жамшид ЭРГАШЕВ «ISHONCH»

Унга рўзғорини бут қилиши, доимий даромадга эга бўлиши учун янги тикув машинаси берилди.

– Ғамхўрликдан бошим осмонга етди, – дейди Солиҳа Холиқова. – Энди янги тикув машинасида буюртмалар олиб, рўзғор тебратишим мумкин. Қолаверса, таҳсил олаётган фарзандимнинг таъминлаб келаётганини ҳам шу даромадимдан тўлайман.

Ҳаёти яхши томонга ўзгариб, ўзининг ва бошқалар бандлигини таъминлаб келаётганлар ҳақида мисолларни кўплаб келтиришимиз мумкин. Асосийси, улар давлатимизнинг бу каби ғамхўрлиги ва эътиборидан мамнун.

«Аёллар дафтари»ни varaқлаганда...



Сурхондарё вилояти

Термиз туманида «Аёллар дафтари»нинг 4-босқичида 2500 нафар хотин-қиз рўйхатга киритилган ва шу кунга қадар 1250 нафарининг муаммолари ижобий ҳал этилган.

Кўмак

ТАДБИРКОР АЁЛЛАР САФИ КЕНГАЙМОҚДА

Энг муҳими, ижтимоий ҳимояга мухтож 1369 нафар ишсиз хотин-қиздан 739 нафарининг бандлигини таъминлашга эришдик. Жумладан, 102 нафари доимий ишга, 53 нафари вақтинчалик жамоат ишларига жалб қилинди. 29 нафари касб-хунарга ўқитилди. 27 нафарига эса «Аёллар дафтари» жамғармаси ҳисобидан субсидия ажратилиб, тикув машиналари олиб берилди. 8 нафар аёлга имтиёзли кредит ажратилди.

«Янгиобод» маҳалласида яшовчи Соҳиба Хўжақуллова «Строй маркет сурхон» МЧЖга, Қизиларсара Тўраева, «GOLD DRIED FRUITS EXPORT», «Халқобод» маҳалласида яшовчи Шаҳло Омонова ва Муҳайё Норқобилова «SPN HUMARGO» хусусий корхонасига, «Янгиҳаёт» маҳалласида яшовчи Бибиқол Мамедова ва Фотима Оқмуродова «ЭКОТЕХ» маъсулияти чекланган жамиятига муқим ишга жойлаштирилди.

Тадбиркорлик қилишда амалий ёрдам сўраган 190 нафар аёлнинг 80 нафарига 1 миллиард 30 миллион сўмлик имтиёзли кредит ажратилишига кўмаклашилди. «Аёллар дафтари»га киритилган 366 нафар боқувчиси бўлмаган эҳтиёжман хотин-қизнинг 157 нафарига 139 миллион сўмдан ортиқ бир марталик моддий ёрдам ва бошқа ижтимоий хизматлар кўрсатилди. Ижтимоий ёрдам ва ўзгалар кўмагига мухтож, I ва II гуруҳ ногиронлиги бўлган, тиббий муолажага эҳтиёжман хотин-қизларнинг 309 нафари рўйхатга олинган. Уларнинг 151 нафарига 123 миллион 400 минг сўмлик моддий ва тиббий ёрдам кўрсатилди. 3 нафар аёлга уй-жойларини таъмирлаш учун қурилиш материаллари олиб берилди.

Термиз тумани ҳудудидаги маҳаллаларда яшовчи уй-жойга мухтож 10 нафар хотин-қиз «Аёллар дафтари»га киритилиб, уларнинг бир нафарига хонадон ажратилди. Қолган 9 нафарига эса ижара компенсация пуллари тўлаб берилди.

Ногиронлиги бор фарзандларни воға етказётган 256 нафар аёлга беминнат моддий ёрдамлар кўрсатилмоқда. Уларнинг 107 нафарига бир марталик моддий ёрдам пуллари берилди. Айримларига ногиронлик аравачалари ажратилди. Баъзилари соғлиқларини тиклаши учун шифохоналарга ётқизилди.

Туманда тадбиркорликни янада ривожлантириш учун етарлича шaroитлар бор ва бу аёлларнинг даромадларини кўпайтиришга замин яратади.

Абдуҳамид ҚЎЗИМУРОДОВ,

Тадбиркорлик, бизнес ва хизмат кўрсатиш соҳалари касаба уюшмаси Республика кенгашининг Сурхондарё вилояти бирлашган кўмитаси раиси



Наманган вилояти

Таҳлил

Хотин-қизлар муаммоларини тизимли равишда ҳал этиш, уларни ижтимоий қўллаб-қувватлаш мақсадида республикамизнинг барча ҳудудларида кўзга кўринарли ишлар амалга ошириб келинмоқда.



46 МИНГ МУАММО ҲАЛ ЭТИЛДИ



Шуни алоҳида таъкидлаш жоизки, Наманган вилояти бўйича 81 минг нафардан зиёд хотин-қиз «Аёллар дафтари»га киритилган бўлиб, улардан 46 минг нафарининг муаммолари ўрганилиб, ҳал этилди.

Шу ўринда ижтимоий ҳимояга мухтож хотин-қизлар иш билан таъминланди, тадбиркорлик қилиш истагида юрганларга банкдан кредит олишга ёрдам берилди, боқувчиси йўқ, эҳтиёжман, ногиронлиги бор ҳамда қарамоғида ногирон фарзанди бўлган аёлларга моддий ёрдамлар ажратилди.

Хотин-қизлар орасида дафтарга киритилган яна бир қатлам борки, улар уй-жойга эҳтиёжман аёллардир. Вилоятда 305 нафар ана шундай хотин-қиз рўйхатга олинган бўлиб, улардан 110 нафарига уй берилди.

Норин туманидаги Навоий маҳалласида яшовчи Гулбаҳор Давлатова уй-жойга мухтожлар сафида эди. Турмуш ўртоғидан айрилган, воға етмаган икки нафар фарзанди билан шу кунга қадар уйсиз юрган бу аёлга барча шaroитларга эга бўлган кўп қаватли уйлардан янги хонадон калити топширилди. Бугун ундан бахтиёр инсон бўлмас керак. Боиси, энди унинг бошпанаси бор, фарзандлари ўз уйда эмин-эркин яйраб яшамоқда.

– Ҳар кунингга шукрона келтириб, ҳалол меҳнат билан яшасанг, бир кун келиб ниятларинг амалга ошар экан, – дейди Гулбаҳор опа. – Менинг бугун ўз уйим бор. Уй-жойга мухтожлигим инobatга олинди, «Аёллар дафтари»га киритилганимдаёқ яхши кунлар яқинлигини кўнглим сезган эди.

Норин туманининг «Сузоковул» маҳалласида яшовчи Гулчехра Тожибоева ҳам янги хонадонга эга бўлган аёллардан бири. Турмуш ўртоғидан ажрашган, бир нафар фарзанди билан ногирон отасига ёлғиз ўзи ғамхўрлик қилиб келаётган бу аёлнинг ҳам орзулари ушалди.

Бугун вилоятда Гулбаҳор Давлатова, Гулчехра Тожибоева сингари ҳаётдан рози опа-сингилларимиз сафи кун сайин ортиб бораётгани юртимизда инсон омиллари ҳамма нарсадан устунлигидан далolat беради.

Орзугул РУСТАМОВА «ISHONCH»



Қорақалпоғистон Республикаси

Эътибор

«ҲАЁТИМИЗГА НУР ИНМОҚДА»

Хўжайли туманидаги «Шағала қўл» маҳалла фуқаролар йиғинида истиқомат қилувчи Шарофат Юлдашева хотин-қизларнинг муаммоларини ҳал қилиш, уларнинг бандлигини таъминлаш борасида яратиб берилаётган имкониятлардан фойдаланиб, тадбиркорликни бошлаган қўли гўл тикувчилардан бири.

2022 йил бошида 33 миллион сўм миқдорида имтиёзли кредит олиб, тикув машиналари харид қилган Шарофат 20 тадан зиёд янги иш ўрни яратишга эришди. У маҳоратли тикувчи эмасми, қозоғистонлик буюртмачилар билан ҳам ҳамкорликни йўлга қўйди. Миллийликни замонавийлик билан уйғунлаштириб, либос тикаётган цех ишчиларининг қўли қўлига тегайди. Чунки буюртмалар кўп, маҳсулотлар хариддориги.

– 1995 йилдан буён уйда тикувчилик билан шуғуланардим. Кейинчалик дизайнликини ҳам ўргандим, – дейди у. – Ҳозир аксар либосларни ўз

чизмаларим асосида тиқишни йўлга қўйганман. Қачонлардир қилган орзуларим ушалди, яъни кичиккина бўлса-да, тикув цехи очдик. Натихада «Аёллар дафтари»дан ҳам чиқиб олдик. Ниятим субсидия олиб, цехни янада кенгайтириш ва яна 30-40 нафар хотин-қизнинг бандлигини таъминлаш.

Бугунги кунда «Аёллар дафтари» ижтимоий ҳимояга мухтожлар кўнглига малҳам бўлмоқда. «Саришунгил» маҳалла фуқаролар йиғинида яшовчи Насиба Абдуллаева ревматизмнинг оғир турини бошидан кечирган. Касаллик асорати йиллар ўтиб, уни тўшакка



михлаб қўйган. Бахтга қарши оиласида ҳам келишмовчиликлар юзга келиб, унга ижтимоий шаҳарчадан бир хонали уй ажратиб берилган. У ерда қизи Белзодахон билан истиқомат қилади.

– Ҳаёт синовларга тўла экан, – дейди у. – Оёқларимдаги оғриқлар йиллар ўтиб кучайди ва оқибатда юролма қолдим. Кимнингдир ёрдамига мухтож бўлиб қолиш оғир нарса. Шукрим, давлатимиз мени ташлаб қўймади, ҳозир қўлтиқтаёқда бўлса-да, ҳаракатланаяман. Бошпанам борлиги эса кўнглимга хотиржамлик бағишлайди. Бундай шaroитларни яратиб берган барча масъулларга катта раҳмат! Уларнинг сазй-ҳаракатлари билан ҳаётимизга нур инмоқда.

«Аёллар дафтари»ни varaқлар эканмиз, ҳеч бир инсон эътибордан четдан қолмаётганига гувоҳ бўлдик.

Фотима АБДУРАИМОВА «ISHONCH»



БУГУН...

Шунақаси ҳам бўлар экан...



Венесуэладаги мисли кўрилмаган бензин инқирози ёнилғи учун километрлаб навбатларга сабаб бўлди. Фермерлар ёнилғи йўқлиги сабабли етиштирган ҳосилни оморлар ва дўконларга етказиб бера олмай, ташлаб юборишга мажбур бўлмоқда. Таъкидлаш жоизки, Венесуэла дунёнинг энг нефта бой давлатларидан бири ҳисобланади.

Африка делегациясининг тинчлик сафари бошланди



Африка тинчликпарвар миссияси таркибига Жанубий Африка президентида ташқари Замбия, Комор ороллари, Конго Республикаси, Миср, Сенегал ва Уганда раҳбарлари ҳам қиради.

CNNнинг хабар беришича, Африка давлатлари вакиллари Украина ва Россияга бир қатор «ишонччи мустақамлаш чоралари»ни таклиф қилишни режалаштирмоқда.

Жиддий хавотир билдирилмоқда

Хитойнинг «Huawei» ва «ZTE» телекоммуникация компаниялари ускуналаридан «5G» тармоғида фойдаланиш Европа Иттифоқи учун бошқа ускуна етказиб берувчилар маҳсулотига нисбатан «сезиларли даражада юқори хавф» туғдириши мумкин, деб ҳисоблайди Еврокомиссия. Бу ҳақда комиссия матбуот хизмати хабар берди.

«5G» тармоғи ички бозор фаолиятида, шунингдек, ЕИдаги ижтимоий ва иқтисодий функцияларга таъсир қилувчи муҳим инфратузилма ҳисобланади, деб таъкидлайди Брюссель.

Айрим Европа давлатлари олдин «Huawei» ва «ZTE»дан ускуна сотиб олишдан воз кечган.

ЕИ Ички бозор бўйича комиссари Тьерри Бретон барча аъзо давлатларни бир хил чора кўришга чақирди.



